

24 DISSERTATIO JURIDICA

Q. ultimò An fundans Ecclesiam Collegiatam acquirat in ea Jusp. etiam sīnē speciali reservatione? Rs. quō ad praeſentationem ad Canonicatus, item alia E- molumenta patronorum affirm. quia haec jure deben- tur ABBAS in C. nobis Card. in C. suggestum X. de jurep C. cum autem 6. Sacros de elect. Cum eo ipso, quod fundatur Collegiato, competit Collegio Electio rectoris C. i. de Elect. Unde cum haec de jure debetur collegio fundator eam legem subire tenetur, quac auctui ipso inest.

C A P U T . I I I .

De Juribus Patronorum.

TRIA sunt Jura Principaliora, quae unicuique pa- trono legitimè constituto de jure competunt, nemipè Jus praeſentationis, jus alimentorum & jus prae- cedentiae in Ecclesia & processionibus. Dixi unicui- que, nam leges Canonicee nullibi inter patronos dis- crimen faciunt, nec ullum à patronatu ejusque juri- bus excludunt, nisi solos infideles p. C. piae mentis C. quicunque fidelium causā 16. Quaest. 7. undē caeteri omnes sive pater sive filiusfamilias sive pubes, sive impubes, sive major sive minor, sive mas sive faemina, sive infans, sive pupillus fuerit, patroni esse & jura patronorum praeſtendere possunt, imò & ipsum jus praeſentandi per se ipſos exercere, modo non propter aetatem ut infans, & pupillus septennio minor, aut propter ex communicationem majorem impediantur. *Dixi*

Dixi *septenniominor*, nam major validè etiam abs-què tute præsentare potest, cum ejus authoritas nullibi de jure requiratur, & licet alias sive tutoris interventu celebratum negotium non valere dicatur, id tamen est intelligendum solum de negotiis saecularibus non spiritualibus AZOR *Quæst.* 14. C. 2. CAST. p. 4. N. 2dō imò præsentationem a tute non esse admittendam, nisi fiat de consensu & voluntate pupilli septennio majoris docet GL. in C. ex eo de *Elect.* quam sequuntur AZOR, ROCHUS, CASTROP & GARZ. qui N. 191. dicit hanc esse communiorem sententiam,

Dixi *mas & faemina*, nam licet canones tantum de masculis loquuntur, per hoc tamen faeminae non excluduntur, cum noti Juris sit, quod ubi subiecta materia non aliud suadeat, masculinum comprehendat faeminum ut notat in C. gener. de *Elect.* in 6. & probatur ex C. 25. de *jurep.* ubi ait Papa si quis Ecclesiam per tò si quis autem foeminas complecti patet ex L. 1. de V. S. imò sub nomine patronus venire patronam docet in terminis L. 52. de V. S. quid plura, cum & Cap. 7. de *jurep.* de Abbatissis loquatur.

Ut autem patroni jura sua cum effectu prosequi valeant, requiritur quò ad primum jus, ut non præsentetur inidoneus, qualis est laicus ut notat. gl. in C. cum adeo de *rescript.* excommunicatus C. postulatis de Cler. excomm. L. pastoralis de appell. infamis infamia facti C. grave nimis de praeb. Clem. 1. de aetate, illegitimè natus C. eum in cunctis de elect. C. ut filii de filiis præsbit. PUER. C. 35. de praeb. sed offeratur & præsentetur persona idonea id est talis, quæ secundum Canones & legem fundationis, quæc

26 DISSERTATIO JURIDICA

exactè observanda, habilis sit, & quidem eo tempore, quo literae praesentationis offeruntur ordinario, cum tunc censeatur fieri præsentatio, nisi illa forte tantum conditionate fieret V. G. ita præsento talem, dum Clericus factus fuerit, aut saltem ut ait GARZ. p. 7. C. 1. N. 29. de proximo clericandum, tunc enim, si intra terminum Juris præsentatus fiat Clericus, præsentationem valere eo quod tunc ipsa censeatur facta de tempore, quo conditio purificetur ait CARD. DE LUCA *de summa Jurisprud.* N. 109. GARZ. loco cit. Citans LAMB. ulterius requiritur, ut præsentatio offeratur ordinario sive illi, qui habet jus instituendi (adeo ut si scienter & dolose alteri facta sit, collatio devolvatur ad superiorem LEUR. seet. 1. C. 2. Qu. 123.) intra tempus præfixum à jure, quod in patronatu laico est quadrimestre, Ecclesiastico est semestre (hoc tamen tempus in beneficiis curatis indistinctè ad 20 dies à die habitae verisimilis notitiae per constitutionem Pii 5ti, quae incipit in conferendis, limitatum esse refert ex bassaco LEUREN. cit. loco addendo, de hoc apud alios non invenio) in patronatu autem mixto erit semestre ut notat GLOSS. in C. un. de jurep. in 6. BARB. L. 3. C. 12. N. 168. quam sententiam dicit communem CASTROP. tratt. 13. t. 2. p. 5. N. 2. quod etiam verum esse censet CARD. DE LUCA, licet plures essent laici, eo quod ratione communionis privilegium Clerici communicetur laicis ad instar ejus, qui rem communem habet cum pupillo L. si communem ff. quemadmodum servit. amitt.

Est autem praedictum tempus continuum & tantum utile ab initio id est, ut non currat, nisi à die notitiae vacationis L. 2. C. 5. de conc. præbendae, cum

cum alias sine culpa puniretur patronus, cum qui nescit, experiundi non habeat potestatem L. 55. ff. de aedil. & haec scientia non praesumitur, cum inveterosimile sit patronum scientem Jus suum omittere GARZ. p. 10. C. 2. N. 34. & 37. citans claram rotae decisionem, unde certò & liquido probari debet, cum sit de substantiâ CARD. DE LUCA D. 64. N. 5. GABRIEL L. 2. Cons. 185. nec sufficit praesumpta, nisi facti circumstantiae probent ignorantiam esse crassam CARD. DE LUCA ibid. ex post verò dictum tempus non est amplius utilis, sed currit etiam diebus festivis C. 3. b. T. non tamen currit legitimè impedito, si ipse impedimentum tollere nequeat arg. C. 60. de elect. quae autem sint illa impedimenta docet FLORES de mena var. quaest 3.

N. 4.

Quod si nunc infra praefixum tempus patronus aliquem praesentavit hic verò vel dissentiat vel post consensum renunciet, vel moriatur tunc patronus de novo integrum tempus habebit arg. C. 26. de elect. in 6. licet enim hic textus tantum de Electoribus loquatur, quia tamen ratio ibi allegata, *quod nempe eligendo infra Juris terminum fecerint, quod ad illos spectabat*, quadrat etiam patronis, hinc etiam ad illos jure extendi potest, ubi enim eadem est juris ratio, ibi quoque eadem debet esse juris dispositio, modo nihil fraudulenter egerint, nam si de hoc convincerentur, quod fieri debet, cum fraus non praesumatur, & proinde ille, qui eam allegat, etiam probare debeat, ut notat GLOSS. in C. 26. cit. ex L. quoties ff. de processr. Collatio statim ad ordinarium devolveretur, cum fraus ipsi patrocinari non debeat, & dolus cuique suus, non alteri V. G. or-

D 2 di-

28 DISSERTATIO JURIDICA

dinario, cui ex lapsu temporis jam jus quae situm non cere possit, si vero nullum praesentavit, tunc statim collatio spectabit ad illum, qui habet jus instituendi, si ipse sit ordinarius, secus non, cum ad alium quam ordinarium non spectet de jure collatio beneficiorum C. 3. de priv. C. 12. de hered. & ibi Panorm. N. 2.

Advertendum interim est, quod licet ordinarius non possit abbreviare tempus ordinarium praefixum à lege patronis, eo quod concessum à Jure beneficium nemine sit afferendum, nisi forte magna causa exigeret, cui jus suum postponere patronus debet, illud tamē prorogare possit, modo aliqualis causa adsit, ratio est, quia constitutio temporis facta est in favorem ordinarii, ut eo clapsō rursus perveniat ad collationem, favori autem suo quilibet renunciare potest, id ipsum non obscurè colligitur ex C. 2. de negl. suppl. ubi Papa ait, si non praesentent Patroni, liceat Episcopos verbum autem licet favorem & licentiam, non necessitatem imponit, ultra semestre tamen etiam cum causa prorogare non potest, cum ultra sex menses institutionem differre nequeat, quin ad alterum superiorem devolvatur collatio BARB. L. cit. §. 170. CASTROP p. 5. N. 8.

Porrò ad valorem praesentationis non requiritur, ut Patronus ipse eam praesentet ordinario sive habenti instituere, neque ut corporaliter praesentatus ipsum accedit, cum nec de uno, nec de altero quidquam in jure cautum sit, & tridentinum, dum SESS. 24. C. 18. praescribit, ut non admittatur praesentatus, nisi ab ordinario examinatus, optimè explicari possit, quod non debeat admitti praesentatus ad institutionem, hinc sufficit, ut praesentetur institutori per literas etiam familiares CARD. DE LUCA d. 64. N. 21. Fa-

INAUGURALIS 29

Factam verò debito tempore præsentationem de subiecto qualificato institutio (quae de jure communi solo Episcopo *L.* ex frequenti de instit. de jure autem speciali etiam aliis inferioribus competere potest, ut innuit TRIDENT. *Sess. 7. & 25. C. 18.* de ref. & praxis habet) necessario sequi debet, ut patet ex conc. TOLES. *nono C. 1. Quaest. 1. allegato.* ratio autem est, quia si institutor pro libitu rejicere posset præsentationem, jam jus præsentandi quod tamen præcipua pars patronatus est, nullius momenti foret.

Debet autem institutio fieri cum iisdem qualitatibus, quas fundator ab initio beneficio imposuit, nec illis quidquam detrahere aut addere potest, institutor quicunque sit, ut definivit TRIDENT. *Sess. 25. L. 5.* cum ipse jus quaesitum patrono ut taliter & non aliter beneficium conferatur, afferre nequeat, eo quod hoc ad solum Principem supremum spectat ut probat GLOSS. ex 6. *constitutus de relig. dom.* accedit, quod fundationes plerumque per ultimas voluntates erigantur, jam vero in his juxta *C. tua nobis de test.* providendum per Episcopos, ut secundum defuncti voluntatem universa procedant unde trident. loco cit. omnes provisiones cum aliquâ derogatione factas tanquam subreptitias declarat.

Praedictam definitionem Tridentini etiam procedere in casu, ubi accederet patronorum consensus, declarat CONGREG. CARD. ad dictum locum, adeoque beneficium certam V. G. aetatem requirens non posse alteri conferri, eo quod patroni circa ipsum beneficium nullam habeant potestatem ut ait CONGREG. & patet ex *C. 16. Q. 7. C. piae mentis.*

Fallit tamen haec definitio *ima*, si ipsa immutatio

cederet in magnum Ecclesiae commodum, cum enim tunc fundator ipse de jure censeatur consentire & de tridentino non possit praesumi quod velit per constitutionem suam Ecclesiae bonum impedire, valebit immutatio.

Fallit *2dō*, si derogatio cederet in damnum solius patroni, ut contingeret, si dum fundator solum in praesentando exegisset qualitatem civicam ordinarius cum consensu patroni adderet, ut simul sit ex determinata familiâ progenitus, nam haec derogatio valebit, cum ex una parte consentiat ille (intellige de patrono haereditario) in cuius favorem fundatio ereta, quique jus patronatus in totum heredibus suis afferre donando illud Ecclesiae possit, & multo magis illud ex parte alteratum haeredibus relinquere juxta regulam communem, quae habet: non posse impugnari judicium illius, qui dedit minus, dum in eius libertate erat, dare nihil, ex alterâ parte promovetur Ecclesiae bonum, dum illa sic libertatem facilius consequetur CARD. DE LUCA *d. 18. N. 4.*

Dixi *haereditario*, nam in patronatu gentilitio dicta immutatio tantum valebit ad vitam patroni consentientis, eo quod talis non possit prajudicare successoribus, cum hi jus suum non ab ipso, sed à primo fundatore demetiuntur, & Episcopus his non consentientibus jus patron. restringere nequeat, cum non valeat conditionem vocatorum ad jusp. reddere determinarem.

Sicut autem institutio denegari non potest, ubi praesentatio facta est debito tempore de subjecto habili, ita illa nullatenus danda, ubi facta est de incapaci, quin & si patronus clericus inhabilem scienter praesentavit, eo ipso amplius pro istâ vice praesentare

tare non poterit, sed collatio spectabit ipso Jure ad Episcopum argum. C. cum in cunctis de Elect., & ita declaravit innocentius L. 3. regesti. epist. 226. ubi sic praefata Abatissa S. Crucis praesentando indignum illa vice amisit jus praesentationis, quam declarationem tamen de praesentatione scienter de indigno facta explicandam esse docet VAN ESPEN, & sua det ratio, cum alias Innocentius rigorosius cum patronis, quam cum Electoribus Episcoporum procederet, dum iis diligentibus ignoranter illegitimum, qui postulari debuerat, novam postulationem concedit C. 20. de Elect. cum tamen recta ratio postulare videtur, ut magis puniantur, qui indignum ad Episcopatum eligunt, quam qui talem praesentant ad beneficium longè Episcopatu inferius nempè Canonicatum, vel aliud simplex.

Unde dico Clericus ignoranter (ignorantia tamen non crassa & affectata, cum haec aequiparetur scientiae, & consequenter non excuset. C. 1. de ord. ab Epif.) praesentans non privatur jure novae praesentationis, paena enim debet commensurari delicto, hoc autem non fieret, si talis ignorans ob omissam diligentiam in inquirendo, privaretur jure suo, deinde omnis ignorantia sive facti, sive Juris non nocet, si supina non sit & agitur de damno vitando L. 1. L. 7. ff. de juris & facti ignor. Imò ignorantiam non supinam neminem dignum reddere paenam profitetur ipse Pontifex in Cit. C. 1. accedit, quod Electores tantum priventur jure electionis si scienter indignum eligunt C. 18. de Elect. in 6. C. 25. X. de Elect. imò dum eligunt aliquem ob occultum vitium inabilem, conceditur ipsis novum semestre, cur ergò patroni privabuntur jure novae praesentationis, cum electio

lectio tribuat si non majus, saltem equale jus electo, quam praesentatis praesentatio, in illa agitur de majori praejuditio, ut proinde etiam major diligentia in inquirendo in vitam & mores subjecti electionis debeat requiri, quam in praesentatione, taceo quod Innocentius 3tius C. 21. Citatum C. cum in cunctis de Elec*t.* unde argumentum ab adversariis desumitur, de diligentibus scienter explicit.

Quò ad laicos patronos, illos in nullo Casu privari novâ praesentatione verius esse existimo, cum *Gloss. imol. archid. in C. cum vos*, & hanc sententiam receptam esse à Sacra congregazione testatur FAGNANUS in *C. cum vos* eò quod supra dictae constitutiones contrariae loquuntur tantum de Electoribus, ac proinde cum paenales sint, ad patronos laicos extendi nequeant & ALEXANDER tertius in *C. 4. de offic. jud. ord.* sine discriminè mander Episcopo, ut si Ecclesiam ordinare non possit, eo quod à laicis personae minus idoneae offerantur, ad interim constitutæ oeconomum, qui fructus beat futuris personis fideliter reservare, ad quod C. notat Lyman cum communi, quodsi monitus intra 4 mestre non offerat aliū, libera collatio ordinario relinquatur, eo quod paria sint nullum praesentare & praesentare inhabile subiectum, putarem tamen in patronatu gentilio Episcopum astringi, ut aliquem de gente passivè vocatâ de beneficio investiat, cum negligentia sive culpa patroni non beat nocere iis, qui non à tali patrono, sed a fundatore causam habent, & alias ipsi fundationi, in qua reservatum jus activum & passivum, pro gente praejudicium fieret.

Alterum jus patronorum in eo consistit, ut si ad inopiam redacti fuerint, alimenta ab Ecclesiâ petere possint,

sint, originem suam hoc jus debet consilio Toletano quarto celebrato sub Honorio I^{mo} Pontifice de saeculo septimo, in quo ita C. 37. legitur: *quicunque fidelium devotione propriâ de facultatibus suis Ecclesiae aliquid contulerint, si forte ipsi aut filii eorum redacti fuerint ad inopiam, ab eadem Ecclesiâ suffragium vitae pro temporis usu percipient.*

Non absimile decrevit Leo quartus Pontifex de saeculo nono, dum ita: ut refert GRATIANUS C. 16. Q. 7. C. 29. Carolo Regi rescripsit, *si verò fundatores Ecclesiarum ad inopiam vergere caeperint, ab eisdem Ecclesiis temporalis vitae suffragia percipient.*

Has Sanctiones approbavit CLEMENS tertius in C. 25. de jure patron. dum ita statuit, *si fundator ad inopiam vergat, ab Ecclesiâ illi modestè sive ut alii legunt moderatè succurritur, sicut in antiquis Canonibus est institutum*, cui consonant verba Pontificalis Romani, quibus Episcopus factâ Ecclesiae consecratione utitur, & ita sonant: *Si fundator aut eius haeredes casu ad egestatem pervenerint, grata recordatione Ecclesia fundatoris piam liberalitatem recognoscit.*

Ex quibus omnibus colligitur primò, quod Ecclesia magis sit obligata suis ministris, quam suis fundatoribus, dum iis necessaria vitae subministrare cogitur, licet habeant patrimonialia ut docent PARNORM. & INNOC. in C. Epis, de praeb. cum nemo suis cogatur militare stipendiis, his verò non aliter, quam si ad inopiam redacti fuerint, in quo casu etiam libertus tenetur alere patronum L. si quis ff. de agnosc. & quidem casu redacti, cum alias non

sint commiseratione digni, iisque tribueretur occasio-
bona sua dilapidandi.

Colligitur 2dō Ecclesiam tenere alere pinguis fun-
datores quam alios pauperes arg. C. 7. X. de test.
cum respectu tamen ut ait Glossa ad verbum mode-
stè ad facultates Ecclesiae & qualitatem personae, si-
quidem ad alendos alios pauperes tenetur Ecclesia tan-
tum titulo Charitatis, ad alendos vero fundatores et-
iam titulo gratitudinis, ut innuit Pontificale in verbo
grata & sanè si Pontifices non voluissent per sanctio-
nes suas statuere, ut fundatores pauperes alerentur pin-
guis, quam alii, nihil speciale pro patronis statuis-
sent, cum Ecclesia jam de se tenetur alere pauperes
ut notat GLOSS. ad C. 16. Q. 7. C. 30.

Colligitur 3tiō, quod dum Canones volunt, ab Ec-
clesiis praestari fundatoribus vitae suffragia, seu ut lo-
quitur rubrica ad C. 25. de jurep. alimententur ab Ec-
clesiis, fundatores non solum alimenta, sive cibum pe-
tere possint, sed etiam vestiarium & habitationem, cum
sub nomine alimentorum veniant L. ult. ff. de alim-
eò quod sinè iis corpus alii nequeat.

Tertium Jus Patronorum consistit in facultate pe-
tendi praecedentiam sive primum locum in processio-
nibus, hoc jus adscribunt quidem Canonistae S. Ge-
lasio Papae, qui in saeculo 5to Ecclesiae praefuit,
ast cum idem Papa ut refert Gratianus C. 16. Quæst.
7. C. 26. & 27. tantum fundatoribus concedat talem
processionis aditum, qui omni Christiano debetur,
non video, quomodo ex iis praecedentia quaedam e-
rui possit, cum id, quod omnibus debetur, si uni ex-
pressè concedatur, praecedentiam quandam, ut patet,
non involvat, undè hoc Jus majori cum ratione CLE-
MENTI tertio adscriberem, qui fundatoribus ut li-
quet

Quet ex C. 25. de jurep. processionis honorem tribuit, nisi ipse Pontifex in verbis finalibus se ad Sacros Canones, per quos non alii quam Gelasii, cum alii de hoc jure alcum silentium teneant, intelligi possunt, retulisset dicens sicut in *Sacris est canonibus institutum* Honor autem processionis in eo consistit, ut si fundator sit Princeps magnae potentiae ipse, ut praescribit, Pontificale Romanum Precessionaliter excipi debeat, sin secus, ipsi dandus sit honorabilior locus in processionibus, juxta praescriptum pontificalis tit. de consecr. in verbis: *fundatores eorumque heredes in processionibus primos esse debere.* putat insuper VAN ESPEN C. 7. de jurep. Patronos posse praetendere, ut incensentur in Ecclesiis, aquâ lustrati aspergantur, nomina eorum in publicis precibus legantur antè aram, ut quo ad vivunt, eis locus in choro assignetur, mortui autem ibidem sepeliantur, fatetur tamen N. 38. consulendam esse consuetudinem, unde juxta hanc omnia ista definienda esse existimo.

Caeterum alimentatio & processionis honos competit omni patrono, cum Pontifex in citatis capitulis utatur verbis *quicunque, si quis* queis omnes complecti supra probatum finc necesse est ut specialiter haec iura in fundatione reserventur, cum de jure debeat.

Q. imò an fundator se ipsum aut suum filium presentare possit? Rs. ad imum neg. patet ex l. 26. de jurep. cum sapiat ambitionis vitium, & distinctio esse debeat inter patronum & praesentatum, inter dantem & recipientem C. cum ad nostram de Inst. imò nec potest per alium à se deputatum semet ipsum presentare, quia sic virtualiter ipse se praesentaret, cum quidquid facit delegatus, non suo, sed delegantis no-

36 DISSERTATIO JURIDICA

mine facit, nec quod unā viā prohibetur, alterā viā concedi debet, interim potest à Compatrono praesentari, & per acceptationem hujus praeſentationis in casu, ubi plures effent patroni, numerum votorum sibi favorabilium augere, si enim hoc juxta communem sententiam in electione valet, cur non in praeſentatione obtinebit? Rs. quò ad secundum affirm. cum nullibi hoc interdictum, & fictio Juris, quā pater & filius reputantur pro unā personā, in spiritualibus non attendatur ita ABBAS. BARB. AZOR.

Q. 2. An patroni in praeſentando variare possint? Rs. antequam praeſentatio institutori oblata, omnibus variare licet, cum enim tunc adhuc desit praeſentationi effentiale requisitum nempe intimatio praeſentationis facta institutori, nulli praeſentato est jus aliquod quaesitum ad beneficium, sed tantum ut possit agere pro ipsa institutione LOTTER L. 2. Quaest. 13. N. 14. ABBAS in C. cum BERTHOLD. N. 12. deſent.

Si verò praeſentatio pulsavit aures Episcopi, tunc patronus Clericus amplius variare nequit, quia, ut ait, Innocentius Quartus ad C. 24. de jurep. Clericorum praeſentatio habet vim electionis, & de jure antiquo nemini variare licebat, quod cum solum, quò ad laicos per C. 24. cit. mutatum invenitur, hinc quo ad Clericos antiquo juri standum, cum ut ait L. praeſcipimus C. de appell. jura antiqua non debeamus dicere correcta, nisi correcta inveniantur, accedit, quod Clerici praeſentent nomine Ecclesiae, ac proindè variatio ipsos quā tales summè dedebeat, cum sit signum in constantis animi.

Ex quibus sequitur, quod oblatā praeſentatione ipſi institutori praeſentato, si socium non habeat, & ali-

aliundè habilis sit, firmum jus eo quod patronus amplius variare non possit, ad beneficium acquisitum sit, secus si praesentati plures fuerint, tunc enim, cum institutor possit ex coniunctim praesentatis quem voluerit admittere, nullus jus firmum in abstracto habet, quanquam omnes in concreto jus habent, ut unus ex illis instituatur.

Laicus autem patronus re adhuc integra id est, quam diu non est secuta institutio, variare semper potest C. 29. de jurep. non quidem tollendo primo praesentatum, cum persona, quam patronus semel approbavit, quiue ex hac approbatione & facta presentatione institutori jam jus ne removeatur, acquisivit, ab ipso amplius reprobari non possit, imò si patronus expressè (secùs non praesumitur, cum nemo censeatur velle agere contra juris permissionem) primum refutaret, jam absolutè huic refutato danda foret institutio, ita ABBAS in C. cum autem GUTIER de jure conf. p. 3. N. 4. BARBOSA & alii, eo quod secunda praesentatio utpotè contra juris permissionem facta sit nulla, ac proindè tanquam non facta reputetur. Sed adjiciendo & accumulando unum, imò & successivè plures, cum per hoc nullum inferatur praejudicium ordinario, sed potius ejus libertas in Electione dignioris augeatur.

Decisio hujus Quaestionis fundatur potissimum in C. 24. de jurep. ubi facta Papae propositione, quomodo Ecclesia ordinanda, ubi Patronus non refutato primo praesentato postulet, postmodum alium admitti, Respondet Papa, si laicus patronus est, id pendere arbitrio Episcopi, si Clericus, primò dandam institutionem, cum qui prior tempore, potior jure conseatur, hoc ipso enim, quod arbitrio Episcopi relinquitur,

tur, quem ex duobus praesentatis à Laico velit admittere, innuitur, quod laici validè possint variare, cum alias primo praesentato, qui seclusa potestate variandi solum praesentatus existit, necessariò deberent dari institutio, cum haec praesentato habili nunquam denegari possit. *C. Decernimus C. 16. Qu. 7.*

Ex dictis sequitur, quod per praesentationem Laici nullum Jus firmum sit datum praesentato, ita ut ipsi necessariò beneficium conferri debeat, cum laicus variando efficere possit, ut Episcopo detur facultas illum respuendi, & secundò praesentatum admitti, datum verò sit praesentato à Clerico, cum hic variare non possit unde dicit GLOSS, Clerici patroni jus pinguius habent, quam laici, id est, ut expoit ZARABELLA ad C. 24. de jurep. ex eorum praesentatione plus juris tribuitur praesentato, quam ex laicorum.

Q. 3^{ta} An laicus post emissum juramentum de non variando, licetè & validè variare possit? Rs. Licetè variare non posse, quia ageret contra juramentum & fidelitatem datam praesentato. Ad 2dum Rs. CASTROP. non validè variare posse, eo quod aetius, qui coram superiore fieri deberet, si fiat contra juramentum, est nullus, fatetur tamen ipse se non moveri ad hanc sententiam amplectendam ratione, sed auctoritate DDrum, unde putat esse etiam validam secundam praesentationem, si eam Judex admisserit, ego autem cum Panorm. qui contrariam opinionem communis sententiā reprobari dicit, sentio 2^{um} contra juramentum validum esse, & consequenter variationem valere.

Moveor primò ex eo, quia nullibi in jure talis aetius invalidus declaratur, eo quod in *C. dilecto filio de*

de praeb. ad quod adversarii plerumquè confuziunt,
de hoc Puncto Pontifex tantum incidenter locutus
est, nec rationem decisionis ut putat COVARR. p.
2. s. 2. N. 10. de jure conf. in juramento praecisè
fundat, sed potius in aliis ibi allegatis causis, quarum
valor jam per C. 20. de praeb. approbatus erat, imò
dictum Cap. dilecto non continet decisionem Papae,
sed tantum allegationem partium, unde ex eo nihil
cum fundamento erui potest.

Secundò quia GLOSSA ad C un. de proc. in 6. ad
Vrevocatus, dicit procuratorem revocari posse, licet
dominus juraverit non revocaturum, imò Papa in C.
22. & 31. de spons. censuit valere sponsalia de praes-
senti contracta, post alia de futuro juramento firma-
ta; accedit, quod Papa saepius in suis rescriptis pa-
risicet juramentum cum confirmatione Apostolica V.
G. dum dicit: statuta juramento aut confirmatione
Apostolicā firmata, & tamen actus contra tale statu-
tum confirmatione apostolicā firmatum valet, ut pa-
tet ex C. 7. de const. & notat GLOSS ad C. dilec-
to de praeb. denique hoc ipso quod ut CASTROP
fatetur, valet præsentatio secunda, si eam ordinarius
admisserit, non obstante juramento, sequitur, quod
valeat variatio contra juramentum, quia, si non va-
leret, jam secunda præsentatio orta ex ipsa variatio-
ne admitti non posset, cum orta esset ab initio infe-
ctio, & quia ex prima præsentatione munita juramen-
to de non variando jam primo præsentato esset jus
quaesitum, quod ordinarius tollere non potest, ut no-
tat GLOSS. ad C. 6. de relig. dom.

Q. 4tò An lité pendente inter præsentatos super
præsentatione si unus ex iis obit, vel renunciat, va-
riare seu alium in ejus locum surrogare valeat, ante
quam

quam constet de jure sive valore praesentationis in personam superstitis: Rs. non posse ob constitutionem Bonifacii octavi in C. 1. ne lite pendente in 6. ratio desumitur ex C. 2. ejusdem ne propter novos adversarios litigia prorogari contingat in grave dispendium Ecclesiae, quae ratio cum etiam valeat in praesentationibus, meritò etiam ad illas dicta dispositio C. 1. licet tantum de electionibus loquatur, extenditur, immo si unus ex praesentatis jam institutus esset, res extra omne dubium foret, cum C. 2., quod ad differentiam prioris de hoc casu loqui notat Glossa, signanter etiam de praesentatione loquatur.

Dixi lite pendente inter praesentatos, secus enim dicendum, ubi inter Patronos & Episcopum praetendentem libertatem, aut inter patronos ipsos super pertinentiam jurisp. lis foret, quia cum tunc per variationem non multiplicantur nec prorogantur lites, cum jus praesentantis rapit ad se jus praesentati sive vivi, sive defuncti, sicut in primo casu, ubi si defuncto surrogatur alter, semper discutiendum manet jus defuncti, ut si constet de ejus jure, alias tanquam intrusus rejici possit, hinc cessat dispositio Bonifacii, cum ceteret ejus ratio finalis.

Q. 5to An propter item protractam ultra tempus praefixum patronis ad praesentandum, possit Episcopus beneficium conferre? Rs. Id videtur dicendum ob C. 2. 12. 22. 27. ubi dicitur, quod Episcopus debeat ordinare Ecclesiam de persona idonea, si quaestio inter patronos non fuerit definita; verum, cum praxis in contrarium vigeat, ac durum foret, si patronus ob item frivolam ab adversario motam jure liberae praesentationis privaretur, ac adstrictus maneret ad eum absolutè praesentandum, quem Episcopus instituit,

stituit, licet ipse alium debito tempore praesentasset, hinc contrarium probabilius defendi existimo, prae-
sertim cum nec Electoribus currat tempus, si neque-
ant ipsi impedimentum tollere C. 60. de Elett. ad
contraria capitula Rs. quod debeant intelligi vel de
casu, ubi ab eo, qui jusp. evicit, nullus praesentatus
debito tempore exsttit, vel ubi, ut ait CARD. DE
LUCA *Cit. Lap.* urget gravis ratio scandali vel quod
debeat ordinare Episcopus ad interim, substituendo
scilicet aliquem, qui leges & onera fundationis ob-
servet arg. C. 4. *cum vos de off. jud. ord.* quo ipso
cessat damnum alias ex vacatione timendum, quod tan-
tum praecavere voluisse Papam extra dubium est, &
huic meae interpretationi favet aperte GLOSS. dum
ad C. 3. dicit, *ordinet antistes, ponendo electorem,*
ita quod ipsum postea repraesentet, si voluerit. vel de-
nique de casu, ubi nullus in quasi possessione praes-
sentandi existit, secus enim ut ait HOSTIENSIS ad
C. 3. cessat dispositio.

Dixi inter patronos, nam si inter Episcopum praetendentem v. g. praesentatum non esse idoneum, aut beneficium non esse patronatum, & inter patronum lis oriatur, certum est, quod Episcopus conferre non pos-
sit, tum quia citati canones & tantum de lite inter pa-
tronos loquuntur, tum quia alias Episcopis daretur
ansa excitandi & protelandi lites, ut sic ad collatio-
nem pervenire possint CASTR. p. 5. n. 7. BARB.
alleg. 72. N. 140.

Q. 61. Si in fundatione dicatur, praesentetur Cle-
ricus, an talis absolutè debeat habere quatuordecim
annos Rs. neg. si aliter cautum sit in fundatione, cui
per tridentinum non est derogatum *Cit declaravit con-*
gregatio consilij, quod etiam CARD. DE LUCA ex-

42 DISSERTATIO JURIDICA

tendit ad fundationem Tridentino posteriorem) aut saltem fundatio erecta sit ante Trident. secùs affirmativè, ratio colligitur ex mente fundatoris, qui semper præsumitur se voluisse accommodare dispositioni Juris quod tunc vigebat. *L. conficiuntur ff. de jure Codic.* jam verò de jure antiquo sufficiebat septennium ad obtinendum beneficium ut *testatur ABBAS in C. præterea de aetate*, sicut de novo Jure absolute requiruntur 14 anni *TRIDENT. Sess. 23. C. 6.*

*Q. 7mo Quinam censeantur vocati in patronatu gentilitio sive mixto? Rs. id generali regulâ definiri non posse, sed juxta verba fundationis & communem loquendi modum definiendum esse, hinc cum fundator dixit: reservo mihi & meae familiae, sive meis ascendentibus & descendantibus, sive meis consanguineis vel cognatis, censemur vocati omnes tam de sexu masculino, quam facminino progeniti, cum & illi in jure sub dictis terminis veniant *L. 51. ff. de V. S. L. 1. S. consanguineos ff. de suis & leg. L. 1. C. de imponenda.**

Quod verum puto licet adjecerit consanguineis proximioribus de genere vel cippo, cum hi termini sint naturales ac proindè etiam faeminas comprehendant *LOTTER. L. 2. Q. 11. N. 78. 82. PARIS L. 2. Cons. 35. N. 6.*

Si verò dixit: reservo mihi & meis agnatis, soli cognati virilis sexus vocati censemur, tum ob communem loquendi modum, tum ob *L. 2. ff. de suis*, nihil tamen refert, sive veniant illi ex linea recta sive transversa *auth. de hered. ab intest. MEN. Cons. 424. N. 33. LOTTER loco cit. N. 54.*

CAPUT